

釐正按摩要術

釐正按摩要術第四卷目錄

列證

驚風

疳疾

嘔吐

泄瀉

寒證

熱證

痢疾

瘧疾

咳嗽

痰迷

頭腫

腹痛

黃病

腫脹

積聚

食積

癰證

火眼

臍風

鵝口

牙疳

重舌

喉痛

赤游丹

[illegible]

釐正按摩要術第四卷

寶應惕厲子張振鋈原名

醴泉後衫纂輯

丹徒張質幼樵校刊

江都韓廣宏毅菴校刊

驚風

驚風者。驚生於心。風生於肝。小兒熱盛生風。風盛生痰。痰盛生驚。驚盛則肘臂伸縮爲搐。十指開合爲搦。肩頭相撲爲掣。手足動搖爲顫。身仰後向爲反。手若開弓爲引。目直似怒爲竄。露睛不活爲視。是爲八候也。療驚必先豁痰。豁痰必先祛

風祛風必先解熱而解熱又必辨風寒暑溼燥火外感之邪。必先辨之而後去之。其驚風有急有慢。分爲兩門。其證異其法亦異。

急驚證多暴發。壯熱煩急。面赤脣紅。痰壅氣促。牙關緊急。二便秘濇。或由風寒鬱閉。或由熱邪阻塞。痰滯經絡所致。

掐揉合谷穴。三十遍。掐揉中指巔。二十遍。掐揉威靈穴。五十分

陰陽。三百遍。推三關。二百遍。退六腑。二百遍。推腎水。一百遍。推天河

水。二百遍。推脾土。補清各一百遍。推補肺經。二百遍。運五經。二十遍。掐五

指節。三十遍。猿猴摘果。二十遍。咬崑崙穴。三次。推三陰穴。急驚由上至下。

二十遍。清天河水。二百遍。揉內勞宮。二百遍。運八卦。一百遍。凡推法。

用葱椒水。再以水調蛤粉。敷頭頂心。手足心。並太陽等處。

暫禁乳食。用汗法。見卷二。二。通脈法。見卷二。四。寒用疎表。

法。見卷二。三。熱用清裏法。見卷二。三。痰用開閉法。見卷二。

慢驚。面青脣白。四肢厥冷。人事昏迷。手足搐掣。兩目無神。睡。

則露睛。神色悽慘。大便色青。總由誤汗。誤下。脾土虛敗所致。

掐老龍穴。三。灸崑崙穴。三。分陰陽。二百遍。推三關。二百遍。推肺。

經。二百遍。推腎水。二百遍。推補脾土。二百遍。掐五指節。二十遍。運五。

經。三十遍。運八卦。一百遍。赤鳳搖頭。二十遍。十二龍戲珠。三十遍。天門。

入虎口。三十遍。推三陰穴。慢驚從下往上。揉小天心。二百遍。凡推法用

葱薑加香麝水用焮法。見卷二三十頁。用納氣法。見卷二四十三頁。用灸

法。見卷二二十六頁。

案驚風原小兒應有之證。第近來各家言驚風者沿爲二十四種。後增四種。後又增數種。至三十餘種。列名既多。愈覺誕妄。治法應豁痰以療驚。驅風以止掣。一以祛邪爲主。柰庸夫村婦。用鍼挑筋以治驚。不知驚之爲驚。而誤認爲筋骨之筋也。舌吐如蛇舌。故驚名蛇絲。手足亂舞如馬蹄。故驚名馬蹄。口動如魚吮水。故驚名鯽魚。倘因病形以立

名則將來驚風名目。有不可勝數者矣。夏禹鑄闢謬甚是。余以急驚慢驚爲兩門。急驚屬陽。古稱陽癇。慢驚屬陰。古稱陰癇。蓋是證中土已虛。風木始動。延久卽見驚駭之狀耳。實則非因驚而起也。柰世俗不知。一詢醫者。不識驚名。卽以驚爲無技。以故種種驚名。不可不知。亦以免俗眼揶揄爾。惕厲子

[illegible]

疳疾

疳者乾而瘦也。由小兒稟賦氣血虛弱。臟腑柔脆。或乳食過飽。或肥甘無節。停滯中脘。傳化遲滯。腸胃漸傷。則生積熱。熱盛成疳。則消耗氣血。煎灼津液。凡疳疾初起。尿如米泔。午後潮熱。或因吐瀉瘧痢。日久失治。以及久熱久汗。久咳久瘡。致令青筋暴露。肚大堅硬。面色青黃。肌肉消瘦。皮毛憔悴。而疳證成矣。然當分其所屬而治之。心疳則面紅便赤。壯熱煩渴。咬牙弄舌。肝疳則面目爪甲皆青。目胞赤腫。翳生淚多。白膜遮睛。糞青如苔。脾疳則黃瘦頭大。脰細。或喜喫米。喫茶葉。喫

泥土或吐瀉煩渴大便腥黏肺疳則面白咳逆毛髮焦枯肌膚乾燥憎寒發熱常流清涕鼻頰生瘡也腎疳則面色黧黑齒齦出血口臭足冷骨瘦腹痛泄瀉啼哭不已湯藥宜分經治之。

分陰陽。

二百遍。

推三關。

一百遍。

退六腑。

一百遍。

推脾土補清。

各二百遍。

推腎水。

一百遍。

揉肚。

一百遍。

摩臍左右旋。

各一百遍。

案疳疾一證身多發熱宜分別輕重虛實治之。醫宗金鑑於疳證分列各名方法具在勿拘拘外治也。

楊厲子

嘔吐

吐證有三。曰嘔。曰吐。曰噦。噦卽乾嘔也。先賢謂嘔屬陽明。有聲有物。氣血俱病也。吐屬太陽。有物無聲。血病也。噦屬少陽。有聲無物。氣病也。獨李東垣謂嘔吐噦俱屬脾胃虛弱。潔古老人又從三焦以分氣積寒之三因。然皆不外諸逆上衝也。宜分虛實別寒熱以治之。

熱吐。小兒爲稚陽之體。邪熱易感。或則乳母過食厚味。以致熱積胃中。將熱乳吮兒。或則小兒過食煎煇之物。以及辛熱諸品。遂令食入卽吐。其證面赤脣紅。口渴飲冷。身熱便赤。吐

次雖少而所出甚多。乳汁化而色黃也。內治以溫膽加黃連麥冬主之。

分陰陽。二百遍。推三關。一百遍。退六腑。一百遍。推肺經。一百遍。推脾

經。一百遍。運水入土。一百遍。運八卦。一百遍。赤鳳搖頭。五十遍。掐十

王穴。二十遍。掐右端正。二十遍。揉總經。八十遍。揉斗肘。八十遍。

寒吐。因小兒過食生冷。或乳母當風取涼。使寒氣入乳。將寒

乳吮兒。以致胃虛不納。乳汁不化。其證喜熱惡寒。面唇色白。

四肢逆冷。朝食暮吐。吐出之物不臭不酸。吐次多而所出少

也。內治以溫中主之。

分陰陽

二百遍

推三關

一百遍

退六腑

一百遍

推補脾土

一百遍

推

肺經

八十遍

運八卦

一百遍

掐右端正

三十遍

黃蜂入洞

二十遍

赤

鳳搖頭

二十四遍

搖斗肘

五十遍

實吐。內傷食滯。胃不能納。每吐必有酸臭之味。身發潮熱。見

食則惡。胸腹脹滿。二便秘澀。痞硬疼痛。口渴思飲寒涼也。內

治以下法主之。

分陰陽

二百遍

推三關

一百遍

退六腑

一百遍

推脾土

一百遍

運八

卦

八十遍

掐五指尖

二十遍

掐右端正

二十遍

撈明月

三十遍

打馬

過天河

三十遍

搖斗肘

五十遍

虛吐。胃氣虛弱。不能消納乳食。其證精神困倦。顙門煽動。睡臥露睛。自利不渴。時常嘔吐者是也。內治以四君加丁香沈香主之。

分陰陽。

二百遍

推三關。

一百遍

退六腑。

一百遍

運八卦。

八十遍

推補

脾土。

二百遍

掐右端正。

二十遍

運土入水。

八十遍

赤鳳搖頭。

二十遍

推補大腸。

五十遍

揉斗肘。

八十遍

推補五經。

八十遍

案靈樞足厥陰所生病者。胸滿嘔逆。嘔吐證。雖屬胃氣失

降。而多由肝逆衝胃致之。故湯藥治法。宜泄肝安胃。以苦

降辛通。佐以酸泄主之。甚至嘔而絕粒者。取生鵝血熱飲。

每食必吐者。煮羊血熟食之。皆立止。則雖有按摩外治之法。特其一端耳。司命者。當博采旁搜。於每證必須有審證之法。極效之方。庶幾無媿。

楊厲子

[illegible]

泄瀉

泄瀉者。胃中水穀不分。併入大腸。多因脾溼不運。內經所謂溼多成五泄也。小兒致病之原。或內由生冷乳食所傷。或外因風寒暑溼所感。抑或飢飽失時。脾不能運。冷熱相干。遂成泄瀉。甚至久瀉不止。元氣漸衰。必成慢驚重證。內治宜分消。

宜溫補。

分陰陽。

二百遍

推三關。

一百遍

退六腑。

一百遍

推補脾土。

二百遍

推

心經。

八十遍

推清腎水。

一百遍

掐左端正。

二十遍

側推大腸。

八十遍

揉外勞宮。

四十遍

運八卦。

一百遍

揉臍及龜尾。

二百遍

掐承山。

三十遍

遍打馬過天河。八十遍搖斗肘。八十遍屬寒者加黃蜂入洞。十二

四遍屬熱者加撈明月。二十遍

案泄瀉證皆兼溼。初宜分理中焦。滲利下焦。久則升舉。必至脫滑不禁。方以瀉藥固之。李士材治泄有九法。淡滲。升提。清涼。疏利。甘緩。酸收。燥脾。溫腎。固瀉。然有因痰而泄者。又宜以痰泄之法治之。若僅以按摩施之。則拘矣。楊厲子

寒證

風寒暑溼燥火。謂之六淫。仲師有傷寒論。其中分六經見證。列三百九十七法。一百一十三方。精矣備矣。小兒感寒證。憎寒畏風。身熱。頭疼。項強。肢節痛。胸滿痞。內治以疎表主之。

分陰陽。

二百遍

推三關。

一百遍

退六腑。

一百遍

運內八卦。

五十遍

掐

五指尖。

五十遍

搖斗肘。

五十遍

無汗。掐二扇門。

五十遍

掐心經。

五十遍

十

遍。揉內勞宮。

一百遍

推脾土。

一百遍

天門入虎口。

一百遍

推肺俞。

一百遍

俞

穴。一百遍。推由大椎至龜尾。

一百遍

凡推法。用葱薑水。用疎表

一百遍

法。

見卷二四

通脈法。

見卷二四

十三頁

法。見卷二三。

汗法。見卷二二。

通脈法。

見卷二四

十六頁。

九

案寒證感冒則輕傷寒則重中寒則尤重仲師傷寒論其
中有云若汗之者是不當汗而汗爲誤汗也有云若下之
者是不當下而下爲誤下也傷寒一書爲後世救誤之書
不然六經證候祇立數方足以盡之何以著一百十三方
之多耶吁仲師慮人之誤也而設方以救之凡爲司命者
可不揭其所以誤而體仲聖救世之心哉

惕厲子

熱證

小兒發熱有表裏虛實之異。何謂表熱。外感寒邪。脈浮緊。苔微白。頭疼。發熱。身痛。無汗。惡風。惡寒者是也。何謂裏熱。小兒肥甘過度。致生內熱。面赤。脣焦。舌燥。小溲赤澀。脈實有力者是也。何謂虛熱。小兒氣質虛弱。營衛不和。其證神倦氣乏。又有陰盛格陽。外浮發熱者。其面色雖赤。煩躁不甯。然小溲必清白。四肢必厥逆。方爲真寒假熱。何謂實熱。小兒午後潮熱。蒸蒸有汗。肚腹脹滿。面脣紅赤。口舌乾燥。溲赤便難。煩渴不止。啼哭不已。脈洪數有力者是也。辨證確。則施治不難矣。

胎熱。兒生旬日間。目赤。身熱。洩黃。啼哭。驚煩。由母受胎後。過食五辛。以致熱蘊於內。熏蒸胎氣而生。名曰胎熱。久則有鵝口。重舌。木舌。赤紫丹瘤等證。不可不預防也。

分陰陽。

二百遍。

推三關。

一百遍。

退六腑。

一百遍。

推三焦。

三十遍。

清天

河水。

五十遍。

揉外勞宮。

一百遍。

運內八卦。

一百遍。

坎宜多二

次。

掐腎

水。

三十遍。

掐十王穴。

三十遍。

運斗肘。

三十遍。

水底撈明月。

三十遍。

凡

推用葱水。焯法。焯虎口。曲池。

見卷二三十頁。

驚熱。小兒見異物則懼。或聞聲而心駭。心既受驚。氣則不順。

身發微熱。夢寐不安。脈數煩躁。與急驚相似。

分陰陽。二百遍。推三關。一百遍。退六腑。一百遍。清心經。一百遍。推二

扇門。一百遍。推肺經。一百遍。掐中指巔。五十遍。掐合谷。五十遍。掐總

經。五十遍。清天河水。三十遍。掐揉威靈。五十遍。運斗肘。五十遍。撈明

月。三十遍。凡推用葱湯

疳熱小兒食積於中鬱久生熱自脾經失治傳之各臟致成

五疳之疾若脾病去則餘臟皆安矣

分陰陽。二百遍。推三關。一百遍。退六腑。一百遍。推補脾土。二百天

門入虎口。一百遍。推大小腸。一百遍。運內八卦。一百遍。掐揉總經。

五十遍。運斗肘。五十遍。摩運肚臍左右旋轉。各二百遍。分胸腹陰

陽。二百凡推用葱薑水。

案諸病屬熱者多。病機十九條。大半皆言熱。此熱證所宜辨也。其中真熱假寒。真寒假熱。一經差誤。生死攸關。然必辨之於平時。而施之於當境。庸工不讀書。不辨證。卽至病者就診。旣無主見。有何把握。隨意疏方。草菅人命。良可慨也。噫。病者不死於病。而死於醫。並不死於醫。而死於病家之延醫者。惕厲子

痢疾

痢疾古名滯下。多因外受暑溼。內傷生冷而傷於氣者。色多白。以肺與大腸相表裏也。傷於血者。色多赤。以心與小腸相表裏也。裏急者。腹窘痛也。後重者。頻下墜也。總之無積不成痢。內治以宣通之法主之。

熱痢。溼熱熏蒸。凝結腸胃。以致腹痛。肛墜。溲短。舌赤。脣焦。煩渴。逆迫。下痢鮮紅。脈象洪滑。總由暑溼積滯。內治宜清火導滯法。

推三關。二百遍 退六腑。一百遍 清心經。一百遍 分陰陽。二百遍 推大

腸。

八十遍

推脾土。

二百遍

運八卦。

八十遍

推腎水。

八十遍

揉臍及龜

尾。

各一百遍

寒痢者。生冷不節。脾失轉輸。下痢白膿。腸鳴切痛。面唇青白。

渴喜熱飲。脈象弦弱。內治宜溫理脾胃。佐以行氣法。

分陰陽。

二百遍

推三關。

二百遍

退六腑。

八十遍

運八卦。

八十遍

推脾

土。

一百遍

推大腸。

一百遍

天門入虎口。

八十遍

揉臍及龜尾。

各一百遍

運水入土。

一百遍

板門推向橫門。

五十遍

推委中後承山。

各五十遍

凡推用薑蔥水。用灸法。灸神闕。

見卷二二十六頁

赤白痢。由冷熱不調。內治以駐車丸連理湯主之。

分陰陽二百遍推三關一百遍退六腑一百遍推脾土一百遍運八

卦五十遍推大腸二百遍版門推向橫紋五十遍摩臍腰眼並龜

尾各一百二十遍推委中後承山各五十遍凡推用薑蔥水

噤口痢熱毒冲胃腸中傳導皆逆阻似閉身熱舌赤脣紅內

治以清解熱毒主之

分陰陽二百遍推三關一百遍退六腑一百遍推脾土一百遍推大

腸二百遍版門推向橫門五十遍摩臍腰眼並龜尾各一百二十遍推

委中並後承山各五十遍

案痢疾必兼溼熱停滯氣機阻逆不得宣通致令裏急後

重。小洩赤瀉。宜苦寒之藥。燥溼滌熱。佐以辛溫。便能開鬱行氣。故行血則便膿自愈。調氣則後重自除。然必分初中末治之。初痢則形氣尙強。脹實堅痛者。亟宜去積。積去則痢止。此通因通用之法也。其或有煩熱喜冷脈實腹滿。純下鮮紅血者。溼熱內盛。亟宜清利。迨經久已傷。或傷陰。或傷陽。傷陰者。精血脂液悉從痢去。多煩躁熱渴之候。宜清潤養陰。傷陽者。脾腎元陽因痢而衰。多滑脫厥逆之候。宜溫補回陽。總之暴病多實。久病多虛。滑脫多寒。瀉滯多熱。參之脈證。合之新久。庶幾近之。勿徒以按摩爲也。

惕厲子

瘧疾

內經夏傷於暑秋必病瘧。謂瘧疾由傷暑而汗出腠開。當風浴水。受淒涼之水寒。及秋遇涼風束之。裏邪不能外越。則隨經絡以內薄。舍於臟腑募原之間。與日行之衛氣相值而瘧作焉。當其邪正交爭。併於陰則中外皆寒。併於陽則外內皆熱。極則陰陽俱衰。衛氣相離。故病得休。衛氣集則復作。治者於瘧將發時。與正發之際。切勿施治。治之則病愈甚。須在未發前二三時。迎而奪之。方爲合法。小兒胎瘧。不能服藥。用黃丹五錢。生明礬三錢。胡椒二錢五分。麝香少許。共研末。以好

醋調敷手心。男左女右以絹包手掌。藥發自汗而愈。如小兒未進穀食者。患瘡久不止。用冰糖濃煎湯喂之。最驗。食瘡。飲食不節。復感風暑。寒熱交作。腹脹痞悶。面黃惡食。內治以養胃湯減參朮主之。

分陰陽。

二百遍

推三關。

一百遍

退六腑。

一百遍

清天河水。

二百遍

推

脾土。

二百遍

推腎水補清。

各一百遍

揉臍。

一百遍

運八卦。

二十遍

用熨

法。

見卷二四十五頁

痰瘡。小兒素有痰飲。復因外邪凝結脾胃。胸悶欲嘔。其證面黃目腫。內治以豁痰之藥主之。

分陰陽。二百遍。推三關。一百遍。退六腑。一百遍。推清肺經。二百遍。推

四橫紋。三十遍。推脾土。二百遍。揉臍。一百二十遍。揉內勞宮。三十遍。運

八卦。五十遍。按弦搓摩。二十遍。汗吐法先之。凡推法用薑湯或

桃葉汁亦可。另用桃葉研餅敷湧泉穴。用開閉法。見卷二十九

頁。引痰法。見卷二十四頁。

久瘧。邪結血絡。左脇脹痞。牽連少腹。或腎虛脾虛皆有之。

分陰陽。二百遍。推三關。二百遍。退六腑。一百遍。清天河水。二百遍。推

補脾土。二百遍。運八卦。一百遍。掐二人上馬。二十遍。凡推用薑水。

桃葉捶爛敷足心。

痺癰。但熱不寒。由陰氣先傷。陽氣獨發。壯熱。少氣。煩冤。手足熱。欲嘔。邪內藏於心。外舍肌肉。令人消爍肌肉。內治以甘寒生津法。

分陰陽。二百遍。推三關。二百遍。推脾土。一百遍。運八卦。五十遍。推肺

經。五十遍。退六腑。一百遍。推間使內關。一百遍。天門入虎口。五十遍。

搖肘肘。五十遍。清裏法。見卷二二三十七頁。

案瘡證。內傷痰食積滯。外感風寒暑溼。但感有淺深。故病有輕重。所期寒則溫之。熱則清之。食則消之。風痰則疎導之。務須緩以圖治。不可期以速效。逐日行按摩等法。三五

次。至三五日五七日均可。嬰兒如此。大人則次數加多。日期更久。方爲合法。毋欲速以圖功。致生他證。是爲至要。勿謂徒恃手法而不求方藥也。

楊厲子

釐正按摩要術卷四

病形

咳嗽

肺爲華蓋。職司肅清。自氣逆而爲欬。痰動而爲嗽。其證之寒熱虛實。外因內因。宜審辨也。肺寒則嗽必痰稀。面白。畏風多涕。宜溫肺固衛。肺熱則嗽必痰稠。面紅。身熱。喘滿。宜降火清痰。肺虛則嗽必氣逆。汗出。顏白。飡泄。宜補脾斂肺。肺實則嗽必頓咳。抱首。面赤。反食。宜利膈化痰。外因在六淫。內因在臟腑。亦各有治法。而外治諸法。要不可緩。

分陰陽。

二百遍

推三關。

一百遍

退六腑。

一百遍

推肺經。

二百遍

掐二

扇門。

二十遍

掐二人上馬。

二十遍

揉肺俞穴。

二百遍

掐五指節。

十二遍

遍四招合谷。二十遍運八卦。一百遍揉大指根。一百遍掐精窞。二十遍

天門入虎口。五十遍痰壅氣喘加掐精靈。三十遍掐版門。二十遍

痰精壅塞加運八卦。一百遍乾咳加退六腑。一百遍痰咳加推

肺經加推脾經加清腎水加運八卦。各一百遍氣喘加飛經走

氣。五十遍凡推用葱水。

案先賢言諸病易治咳嗽難醫以咳嗽病因頭緒紛煩也。

徐洄溪歷三十年而後能治咳嗽其治咳嗽之難有如此

者司命者應如何辨證如何施治必求百治百效庶不愧

為良工。楊厲子

痰迷

小兒痰壅氣塞。呀呷作聲。甚至痰漫竅閉。如癡如迷。甚至痰塞喉間。吐之不出。嚥之不入。在小兒爲尤多。內治宜豁痰化痰主之。

分陰陽。一百遍。推三關。一百遍。退六腑。一百遍。推肺經。一百遍。推心

經。五十遍。推四橫紋。五十遍。運八卦。五十遍。揉內勞宮。五十遍。天門

入虎口。五十遍。掐五指節。二十遍。吐法。見卷二二頁。應先用之。抑

或用雞毛蘸燈窩油。掃喉中。卽吐引痰法。見卷二四十頁。通脈法。

見卷二四頁。開閉法。見卷二三十頁。

小兒氣海穴。醫者以手指曲節抵之。旋又放之。以是法取痰。痰卽下。此在下者引而竭之法也。

小兒中指由根掐至尖數下。再推湧泉穴。左轉不揉。以中指對按頰車穴。用耳挖爬舌上。卽吐痰。此在上者因而越之。法也。

案痰由腎陽虛火不制水。水泛爲痰。爲飲逆上攻。故痰清而澈。治宜通陽洩溼。忌用膩品助陰。痰由腎陰虛火必爍金。火結爲痰。爲痰火上升。故痰稠而濁。治宜滋陰清潤。忌用溫燥之品。龐氏云。天下無逆流之水。因乎風也。人身無

倒上之痰因乎氣也。痰能隨氣升降。周身無處不到。在肺則欬。在胃則嘔。在心則悸。在頭則眩。在背則冷。在胸則痞。在脇則脹。在腸則瀉。在經絡則腫。在四肢則痺。甚至痰入心竅則迷。癲癇抽掣。則各有治法。在不徒按摩已也。子楊厲

頭腫

頭腫由風溫內伏熱毒壅遏或發於兩頤則為疔顙或發於頭面則為大頭瘟內治以普濟消毒飲去升柴芩連主之

分陰陽二百遍推三關二百遍退六腑一百遍推脾土一百遍揉兩

太陽五十遍運八卦二十遍揉內勞宮三十遍汗吐法先之凡推

用葱湯用清裏法見卷二十三十七頁解煩法見卷二十三十八頁

案頭腫為溫毒疫邪疫為燥熱毒癘從無辛溫升散之例

一切柴葛風燥辛熱諸品皆不可犯外解如葱豉翹荷之

屬內清如芩連滑梔之屬下奪如芒硝大黃之屬且疫為

穢濁之邪。熏蒸熱痰。蒙蔽心胞。神昏語譫。宜芳香宣逐。清
血絡以防結閉。如犀葛鬱佩銀花之屬。煩渴多汗。如石膏
知母之屬。疹發咽痛。如犀角牛蒡生地之屬。天行疫癘之
氣。亟宜解毒爲先。大頭瘟溼熱傷巔。腫大如斗。不速治。十
死八九。豈徒以按摩已哉。楊厲子

腹痛

腹有寒痛。熱痛。食痛。氣不和痛。脾虛痛。肝木乘脾痛。蛔動痛者。不可以不辨。

寒痛者。氣滯陽衰。面色白。口氣冷。大便青色。小便清利。痛之來也。遷緩不速。縣縣不已。痛時喜以熱手按之。其痛稍止。肚皮冰冷者是也。內治以香砂理中湯去白朮主之。

分陰。一百遍分陽。二百遍推三關。二百遍退六腑。五十遍由胸腹分

推左右。二百遍揉肚臍。二百遍推補脾土。一百遍天門入虎口。二十

遍掐揉一窩風。五十遍凡推用葱薑水用定痛法。見卷二十四頁

艾灸神闕氣海各穴各七壯。

見卷二二一十六頁。

熱痛面赤口氣熱。脣紅煩渴大便秘。小便赤。時痛時止。痛來迅厲。腹形如常。不腫不飽。彈之不響。以熱手按之。其痛愈甚。肚皮熱如火灼。此真熱也。內治以清熱泄火主之。

分陰。

二百遍。

分陽。

一百遍。

推三關。

五十遍。

退六腑。

一百遍。

水底撈明。

月。

一百遍。

清天河水。

三十遍。

分腹陰陽。

二百遍。

揉肚臍。

一百遍。

推脾。

土。

一百遍。

用清裏法。

見卷二二三十七頁。

食痛由飲食不節。積滯不化。食入即痛。眼胞浮腫。瀉必酸臭。腹必飽脹。彈如鼓響。面黃噯酸。便後痛減。不飢不食者是也。

內治香砂平胃散主之。

分陰陽。

二百遍

推三關。

一百遍

退六腑。

一百遍

推脾土。

一百遍

天門

入虎口。

一百遍

分腹陰陽。

二百遍

揉臍。

二百遍

凡推用葱水香麝

水用艾灸神關氣海各穴七壯。

見卷二二頁十六頁

熨法。

見卷二四頁十五頁

定痛法。

見卷二四頁十四頁

氣不和痛。小兒初生後束臍過緊。不知兒體漸長束帶未鬆。上下氣不流通也。

分陰陽。

二百遍

推三關。

一百遍

退六腑。

一百遍

推脾土。

一百遍

分腹

陰陽。

二百遍

揉臍。

二百遍

運土入水。

三十遍

運八卦。

三十遍

凡推用

葱湯。用艾灸神闕三壯。見卷二十一 十六頁。 炷臍輪一炷。氣海一炷。

心窩一炷。見卷二十一 三十頁。

脾虛痛。面色萎黃。大便少而色白。中有虛寒也。內治以香砂。

六君湯主之。

分陰陽。一百遍 推三關。一百遍 退六腑。一百遍 推補脾土。三百遍 運

水入土。一百遍 分腹陰陽。二百遍 揉臍。一百遍 凡推用葱湯用艾

灸神闕氣海各穴三壯。見卷二十一 十六頁。

肝木乘脾痛。肝木剋脾。肝氣無所洩。乘脾衰而痛也。其證脣

白口淡。面色時青。痛則腹連兩脇。重按之則痛止。手起又痛。

也。內治以四君加柴芍主之。

分陰陽。一百遍。推三關。一百遍。退六腑。一百遍。推補脾土。二百遍。天

河入虎口。二百遍。揉臍。二百遍。分腹陰陽。二百遍。運水入土。一百遍。

運八卦坎重。一百遍。推大腸。六十遍。運五經。一百遍。凡推用葱薑

湯。

蛔痛。口吐青水。痛久不歇。或一時或二時而止。或歇半日又痛。面黃脣白。或有紅點。脈乍大乍小。此其候也。內治理中安虵散。或烏梅丸加減主之。

分陰陽。一百遍。推三關。一百遍。退六腑。一百遍。推脾土。一百遍。揉肚

臍。

一百遍。

凡推用葱薑香麝水。用艾灸神闕氣海各穴五壯。

見卷二二

十六頁。

史君子去殼火煨。或食十餘粒。或少頃又食。以痛止則停。苦楝根皮一兩。水煎濃服。蟲即下。但體弱者酌之。

案腹痛一證。寒淫爲多。熱淫爲少。以寒則易於阻塞陽氣也。氣滯者多。血滯者少。理氣滯不宜動血。理血滯則必兼行氣也。先哲以痛則不通。通則不痛。故治痛大法。不外溫散辛通。而其要則初用通腑。久必通絡。宜審虛實治之。

惕厲

子

黃疸

黃疸。由脾胃溼熱鬱蒸。漸致身目如金。汗溺皆黃。經謂溼熱相交。民病痺也。丹溪云。此如盬麴醬相似。溼熱久盬其黃乃成。海藏云。凡病當汗不汗。當利小便不利。皆生黃。內治以清熱泄溼主之。

分陰陽。二百遍。推三關。一百遍。退六腑。一百遍。推補脾土。三百遍。抱

肚揉。一百遍。揉臍左右旋。各一百遍。凡推用葱湯香麝水。

案黃疸宜辨陰陽。溼熱發陽黃。寒溼發陰黃。此發陽黃陰黃之由也。陽黃多瘀熱。煩渴頭汗。脈必滑數。係胃腑溼熱。

熏蒸與膽液泄越上而侵肺則發黃其色明如橘子治在胃且有表實裏實之分表實則無汗治宜疎表使黃從表解裏實則二便秘腹必滿治宜下奪使黃從裏解若表裏無證則不可汗下惟利小便而已陰黃身冷汗出脈必沈微係脾臟寒溼不運與膽液浸淫外漬肌肉則發黃其色晦如煙熏治在脾或宜溫脾以理中加茵陳主之或宜溫腎以四逆加茵陳主之且陰黃亦有體痛發熱者但身如熏黃終不似陽黃如橘子色也海藏治陰黃小便不利煩躁而渴者茵陳茯苓湯主之疸黃病也疸有五身目皆

黃寒熱體倦者爲黃疸。食已如飢。頭眩煩熱。身黃者爲穀疸。大醉當風入水。心中懊懣。不食欲嘔。面黃赤斑者爲酒疸。房勞。小腹滿急。額上黑。手足心熱。薄暮發者爲女勞疸。汗出染衣。色如檗汁。因身熱汗出。澡浴水入毛孔而成者爲黃汗。方書治法具在。則無庸贅述。若徒以按摩諸法施之。則拘矣。惕厲子

腫脹

腫在外屬水。脹在內屬氣。腫分陽水陰水。脹分氣實氣虛。因溼熱濁滯致水腫者為陽水。因肺脾腎虛致水溢者為陰水。濁氣在上為實脹。中氣不運為虛脹。辨其位則臟腑脈絡皮膚上下表裏皆有之。辨其因則寒熱溼痰氣血鬱滯蟲積皆致之。以論治法則宜內外兼盡為要。

氣腫皮厚色蒼。一身盡腫。自上而下。按之官而不起。由寒氣客於皮膚也。

分陰陽。二百遍。推三關。二百遍。退六腑。二百遍。推脾土。三百遍。運水

入土。

一百遍。

天門入虎口。

五十遍。

摩肚臍左右旋轉。

各二百遍。

凡推

用滾水。忌鹽醬生冷。

水腫。先喘後腫。皮薄色澤。自下而上。按之隨手而起。因煩渴。

喜飲。脾虛不能制水。水反侮土。上衝肺。皮膚腫如裹水之狀。

分陰陽。

二百遍。

推三關。

二百遍。

退六腑。

二百遍。

推脾土。

三百遍。

運水

入土。

一百遍。

摩肚臍左右旋轉。

各二百遍。

凡推用葱薑湯。忌鹽醬

生冷。

案經言諸溼腫滿皆屬於脾。謂水為至陰。其標在肺。其本在腎。其制在脾。腎何以聚水。腎者胃之關也。腎虛則關閉。

其水必逆而上泛。脾不能制。而反爲水所漬。故肌肉浮腫。肺不能化。而反爲水所凌。故氣息喘急。皆陰勝之害也。是知腫脹無不由肺脾腎者。以肺主氣化。脾主運輸。腎主藏液也。經言膀胱藏津液。氣化則能出。氣化者。卽右腎命門真火也。火衰則不能蒸動腎之關門。而水聚焉。須以桂附腎氣丸。蒸動其關。積水始下。以陽主開也。此不獨治水腫。卽治脹之要。亦在通陽。腫脹病在水分。以治水爲主。兼理氣。氣化水自化也。在氣分。以理氣爲主。兼利水。水行氣亦行也。必辨陰陽虛實。溼熱壅滯屬陽。濁氣凝滯屬陰。陽證

按之痛。陰證按之不痛。陽證起於中焦。陰證起於下焦。凡陽證必熱。熱者多實。陰證必寒。寒者多虛。溺赤便秘。脈數有力。爲熱爲實。溺清便瀉。脈微無力。爲虛爲寒。陽證治在腑。法宜清。陰證治在臟。法宜溫。此腫脹之大概也。徐洄溪言。脹滿證即使正虛。終屬邪實。古人慎用補法。總之腫證易治。脹證難治。脹證頭緒甚多。宜辨有形無形。無形宜宣通。有形可攻伐。如食入脹加。治在通腑。二便通調。則脹又在臟。其大概治法。宜汗。宜利。宜分消。宜辛泄。宜清肅。宜溫通。宜升舉。宜疏利。宜補攝。宜開鬱。宜緩攻。宜軟堅化痞。宜

理瘀導滯總要在宣通勿用守補如是而已。

惕厲子

釐正按摩要術卷四

腫脹

三

積聚

諸有形而堅着不移者爲積。諸無形而留止不定者爲聚。積在五臟。主陰病。屬血分。聚在六腑。主陽病。屬氣分。難經旣以積聚分屬臟腑。巢氏病源別立癥瘕之名。以不動者爲癥。動者爲瘕。亦猶是難經積聚之說也。第無形之瘕聚。其散易有。形之癥積。其破難治之者。辨有形無形。在氣在血。可得其概矣。

分陰陽。二百遍。推三關。一百遍。退六腑。一百遍。推補脾土。一百遍。掐
四橫紋。三十遍。運八卦。八十遍。掐大腸。二十遍。揉版門。八十遍。推補

腎水。一百遍。天門入虎口。一百遍。掐小橫紋。二十遍。發熱腹痛。加

水底撈明月。五十遍。大便秘結。加推六腑。一百遍。掐小橫紋。二十遍。

四遍。揉掐腎水。各五十遍。腹痛泄瀉。加揉掐一窩風。三十遍。揉臍及

龜尾。各一百遍。凡推用葱椒水。用灸法。見卷二二一十六頁。

案難經肺之積在右脇下。為息賁。肝之積在左脇下。為肥

氣。心之積在臍上。上至心下。為伏梁。脾之積在胃脘。為痞

氣。腎之積發於少腹。上至心。上下無時。為奔豚。其見於臍

下。為癥瘕。癥者。按之不移。有血癥。食癥之別。瘕者。假物成

形。如血鼈。石瘕之類。見於胸脇。為痞癖。痞為結塊。在肌肉

而可見。癖由內着結隱僻而難求。既分其部。必原所起。其初由外感風寒。內傷氣鬱血瘀。食積痰滯。凝結於育膜。久而盤踞堅牢。以至元氣日衰。攻補爲難。如徒以按摩諸法治之。恐難奏效。所貴理其氣。氣行則脈絡通。尤宜調其中脾。運則積滯化。其藥宜辛散溫通。乃能入陰出陽。解散凝聚。李士材有陰陽攻積丸在。然搜逐之中。酌補元氣。務令脾胃氣旺。乃可消磨堅結。但堅頑之積聚。多在腸胃以外。募原之間。非藥力所能猝及。宜薄貼以攻其外。鍼法以攻其內。艾灸以消散固結。佐其所不逮也。

食積

食積。由乳食積滯。胸悶腸鳴。噯氣酸腐。見食則惡。或脹或痛。大便臭穢。失氣有傷食之味。夾寒則面色晄白。舌胎白膩。口吐清水。食物不化。手足時冷。夾熱則面赤。脣乾口渴。舌胎黃膩。積久脾傷。延成疳疾。內治以健脾扶陽主之。

分陰陽。一百遍。推三關。一百遍。退六腑。一百遍。運八卦。一百遍。分腹

陰陽。二百遍。揉臍。二百遍。推補脾土。一百遍。凡推用葱薑水用熨

法。見卷二四十五頁。灸法。灸神闕鳩尾氣海各穴七壯。見卷二二十六頁。

吐法。見卷二二頁。下法。見卷二二頁。通脈法。見卷二四十三頁。

附治傷乳。陳紅麴一錢五分。砂仁五分。生薑一片。水煎服。
附治傷一切諸穀食。將所傷之物燒灰。加雞內金炙灰。磨
枳實汁調服。

附治傷諸肉食及生魚膾。草果麴包煨五分。焦山查肉一
錢五分。研末。薑湯調服。

附治傷麴筋糲子等物。諸藥不能消化。卽以本物拌綠礬
燒灰。沙糖酒下。

附治傷糯米粉餅餌。用炒酒藥或酒麴三錢炒。糖薑湯下。
附治傷索粉片者。紫蘇煎濃湯。加杏仁泥服之。

附治傷麵傷豆腐者。生萊菔煎湯飲之。如無生萊菔。以萊菔子煎湯亦效。

附治傷瓜果生冷菜物。木香砂仁各一錢。炮薑肉桂各三分。麝香少許。共研末和飯杵丸。炒山查煎湯下。

附治傷蟬腹痛者。蘇葉一錢。生薑一塊。煎湯加丁香汁少許服。最效。

附治傷雞卵鴨卵胸腹滿悶。生薑大蒜泥搗汁。和開水頻嚥之。

附治傷狗肉。杏仁四兩。去皮尖。和沸湯搗爛絞汁。服二次。

卽解。或以蘆根水煮汁飲亦效。

案飲以養陽。食以養陰。飲食所以衛生。實脾胃所生之本也。胃旺則多食不滯。過時不飢。脾運則分輸五臟。榮潤四肢。然以生冷則戕胃。飢飽則戕脾。中氣先餒。不宜專事消導。中氣卽脾胃沖和之元氣也。脾氣以健運爲要。胃氣以下行爲順。胃強脾弱。則消穀而便溏。脾強胃弱。則知飢而納少。食傷者。胃陽虛。飽食輒噯。宜溫通。脾陽虛。多食不化者。宜香燥。飲食留滯。脘痞腹脹者。爲腑氣不宣。宜消導。小兒傷乳滯。則又宜香附。神麴。麥芽。砂仁。陳皮。甘草之屬。可

以佐按摩諸法之不逮也。惕厲子

龍王按摩要術卷四

金和

癇證

經言二陰急爲癇厥。謂少陰氣逆於經而上行。則喉塞音瘖。而癇發矣。證由心腎虛怯。肝風膽火倏逆。痰涎上壅。心胞經脈閉阻。猝然暈仆。口眼牽掣。腰背反張。手足抽搐。喊作畜聲。因其相似。分爲五癇。以內應五臟也。癇證幼小爲多。大人亦有之。經久失調。遂成痼疾。一觸厥氣鼓風。涎沫升逆。無制。痰在膈間。則眩微不仆。痰溢膈上。則眩甚而倒。必待其氣反吐。去驚涎宿沫而後甦。內治以清痰火主之。

分陰陽。

二百遍

推三關。

一百遍

退六腑。

一百遍

推肺經。

一百遍

推補

脾土二百遍 天門入虎口八十遍 運八卦一百遍 赤鳳搖頭五十遍

按弦搓摩二十遍 掐威靈穴二十遍 揉中指一百遍 掐總筋二十遍

灸崑崙七壯汗吐法先之凡推用葱薑湯用引痰法見卷二四

十通脈法見卷二四十三頁 開閉法見卷二三十頁 灸法晝發灸陽蹻

夜發灸陰蹻見卷二二十六頁

案石頑謂癰以補腎為本豁痰為標其由來不外肝腎龍

雷上衝所致丹溪以癰主痰熱治以星半苓連主之熱多

者涼膈散加川連麥冬之屬痰多者以戴人三聖散吐之

由驚而病者東垣安神丸平之總之癰有陰陽以先體熱

癰癧驚啼而後發脈浮洪者爲陽癰病在腑則易治以先
身冷不驚掣啼而病發脈沈微者爲陰癰病在臟爲難
治目瞪如呆者不治脈沈實弦急及虛散者皆不治皆醫
者所宜深悉也

惕厲子

正按張氏

الحمد لله

火眼

小兒兩目紅腫由肝經有熱內蘊風邪外襲是為風火眼內治以疎散主之。經云火鬱發之是也。

分陰陽。

三百遍

推補腎水。

五百遍

退六腑。

五百遍

推脾土。

一百遍

推

天河水。

五百遍

運八卦。

二百遍

水底撈明月。

一百遍

掐合骨穴。

二十

四遍推曲池。

三十遍

凡推用葱水。

案眼病有專科證治甚繁大約以內障外障為兩門火眼持外障中之一證耳余於海濱遇有患風火眼者以至於盲就余診詢之則初患時有醫者令服大黃為苦寒所逼。

於經訓火鬱發之大相違悖。是以至此也。司命者宜辨證。始知爲何病。宜立法。方與病鍼鋒相對。所惜庸工不求往訓。率爾操觚。俾天下不死於病而死於醫者。不可勝數。醫術之壞。將不知伊於胡底也。可慨也夫。

楊厲子

臍風

臍者小兒之根蒂也。名曰神闕穴。近三陰喜溫惡涼喜乾惡溼。如斷臍有法。臍風何自而起。惟有水溼風冷之氣入於臍中。兒必腹脹臍腫。日夜啼叫。此臍風之初發也。眼角眉心忽見黃色。卽是臍風見證。宜急治。若黃色到鼻。治猶易。到人中承漿則難。甚至口鎖唇緊頭强者不治。但臍風初見。總在初生三日之內。舌硬眼閉。口吐白沫。哭不出聲。左右牙齦上腭有硬梗。藍黃白色如雞魚脆骨形狀。或白點如粟米大。亟用銀鍼將齦腭硬梗處以及黃白點顆刺破。以青布蘸溼扭乾。

塗以墨汁內治用防風一錢煎服

分陰陽

七十遍

推三關

五十遍

退六腑

七十遍

運八卦

五十遍

推肺

經五十

揉外勞宮

二百遍

凡推用葱薑湯

鐙火

焯法於兒顙

門眉心人中承漿兩大指少商諸穴各一焦

齊輪六焦

末

落齊帶於帶口一焦既落於落處一焦共十三焦其腹有

青筋又縫處均宜焦

案齊風證每起於斷齊不慎夏禹鑄以爲風入腹附於肝

肝竅在目眼角黃也肝木乘土鼻準黃也以致入腎入心

見卷二三十頁

口撮舌強也及早治之以焯法爲要猶可告痊

楊厲子

鵝口

鵝口。起於初生之小兒。口內白屑。拭去復生。重則滿舌上。腭
疊疊腫起。狀如鵝口。開而不合。哭聲不出。乳食爲難。或生牙
齦上下。名曰馬牙。皆由心脾胎熱上攻所致也。藥以清熱瀉
脾主之。

推食指三關。

一百遍。

退六腑。

一百遍。

分陰陽。

三十遍。

撈明月。

三十遍。

打馬過天河。

三十遍。

扁銀簪腳將牙齦刮破出血。以軟絹拭淨。磨陳墨汁塗之。
頭髮蘸井水拭口。再以白礬燒灰二錢。硃砂水飛二錢。馬

牙硝五錢。研末。用白鵝糞水攪取汁。塗舌與口角上。卽愈。
案鵝口一證。在胎時受其母飲食熱毒之氣。蘊結心脾。因
之甫生後。卽發於口舌之間。內治以清熱瀉脾爲主。外治
如所列諸法足矣。倘不急於求治。必將口舌糜爛。不能吮
乳。則命難痊也。惕厲子

牙疳

牙疳由內蘊胎毒外感熱毒毒氣上攻牙根潰爛隨變黑腐臭穢難聞變證最速名為走馬牙疳內治以瀉毒清熱主之

分陰陽二百遍推三關一百遍退六腑二百遍清天河水二百遍

裏撈明月五十遍搖頭三十遍凡推用香麝葱湯水金棗砒一

枚用紅棗一箇去核以紅砒黃豆大一粒入棗內溼紙重
重包裹慢火上煨至煙盡為度研細末穿腸骨一錢即狗
屎中未化骨於白色屎內尋之即得真珠牛黃各五分冰
片八分廣木香一錢二分銅綠二錢五分人中白煨三錢

共八味。各研細末。秤準和勻。先用防風二錢。馬兜鈴三錢。甘草一錢。煎湯洗患處。以舊青布拭淨毒血。用前藥末一分。磨陳京墨調藥搽之。大有神功。韭根。松蘿。茶各二錢。煎成濃汁。乘熱以雞翎蘸洗患處。去淨腐肉。

案牙疳一證。因熱毒攻胃。上發齦肉。赤爛腫痛。口臭血出。牙齒脫落。穿頤蝕唇。病勢危急。外用前藥敷之。內治如芩連。硝黃。蘆薈。蕪荑。雄黃之屬。或加犀羚。白虎之品。以清火解毒爲先。方期有濟。然此證專恃胃強能食。堪勝峻藥。否則終無生機也。惕厲子

重舌

脾之脈絡繫舌旁。肝之脈絡繫舌本。心之脈絡繫舌根。心脾
蘊熱則氣血俱盛。腫附舌根。其形狀似舌。如舌下又一小舌。
故曰重舌也。宜鍼刺出血。向旁挑之。不可深刺。正中主筋之
上也。內治以清心泄熱主之。

分陰陽。

二十遍

推食指三關。

三十遍

推心經。

三十遍

推脾經。

一百遍

推六腑。

三十遍

運八卦。

三十遍

運水入土。

五十遍

清天河水。

三十遍

凡推用葱湯

案醫宗金鑑幼科心法所列吐舌弄舌木舌以及重舌等

證。僅列重舌有舉一漏萬之弊。吐舌則面紅。尿赤。口渴。煩躁不安。宜導赤瀉心火也。弄舌以兒舌在口內搖動者。唇焦舌乾。煩熱便穢。治以瀉黃湯。藿防山梔石膏甘草之屬。木舌者。舌硬如木。不能轉動。內治以瀉心熱。外以紫雪丹塗舌上。是將心法所列者補其闕也。然是書祇列二十四證。遺漏甚多。亦以仍周氏之舊爾。

楊厲子

喉痛

喉以納氣而通於天。唯以納食而通於地。會厭莞乎其。上以司開闔。惟其為心肺肝腎呼吸之門。飲食聲音吐納之道。關係死生為害速矣。經云。一陰一陽結。謂之喉痺。其證喉痺為總名。而風溫喉痛為多。亦宜內外兼治。

分陰陽。二百遍。推三關。一百遍。退六腑。一百遍。掐心經。五十遍。掐總

經。五十遍。清天河水。五十遍。水底撈明月。五十遍。瀉腎水。五十遍。十二

龍戲珠。三十遍。運斗肘。五十遍。凡推用葱薑水。

案程鍾齡外科十法。喉腫不刺血。喉風不吐痰。喉癰不放

膿喉蛾不鍼破。皆非法也。凡使刀鍼。切勿傷蒂。以及舌根等處。尤氏以喉痺屬痰。喉風屬火。總因火鬱熱毒致生乳蛾等證。治宜去風豁痰。解熱開鬱。其證自痊。初病寒熱者。須疏散。迨二便秘結。係有實火者。以下奪之法。主之。不可驟用寒涼。以痰實結胸。遇寒不運。漸至喘塞不治也。其氣急閉塞欲死者。亟用吹法吐法鍼法。其吹也。礪砂膽礬末。或皂角末少許吹鼻。噴嚏即開。其吐也。搗皂角浸水。以水灌入。即吐。或新汲水磨雄黃灌入亦吐。或雞鵝翎蘸桐油一二滴入。百沸水以箸敲水。即用雞鵝翎入喉探吐。其

鍼也。用三稜鍼於喉腫處刺血出。若口噤鍼不能入。如手足冷。以水溫之。刺少商穴。左右皆刺二分。出血口卽開。喉卽寬。或鍼照海。然谷四穴。使血出如珠。皆可求愈也。若刺少商穴。血出散而不收者。爲無治。近時有爛喉痧者。最爲險惡之證。初起憎寒壯熱。咽痛渴煩。宜辛涼清散。若驟服寒涼。外邪益閉。內火益燄。咽痛愈劇。潰腐日甚矣。至丹痧透發。已無惡寒等證。則宜寒涼泄熱。不宜雜進辛散。煽動風火。致增腫腐。必致滴水下咽。痛如刀割。此證由感風火溼熱而發。治法因風熱者。主清透。以普濟消毒去升柴主。

之因溼熱者主清滲。痰火凝結者主消降。邪達則痧透。痧透則爛止。所慮者毒氣深伏。鬱不能發。爲悶痧之證。邇上患此者甚多。一由疫毒內陷。一由庸醫誤治。用柴葛升麻。一切辛溫風燥之品。升提熱毒。入於咽喉。市醫坐蹈是弊。俾病者卽歸冥路。噫。此誤治也。醫者不自知。病家不能知。而病而死者。或有知死者。能甘心哉。余有痧喉正義續出。問世。海內諸君子。有以匡正之。則幸甚矣。

楊鳳子

釐正按摩要術卷四音釋

顛音戰四肢 寒動也 崙音倫 椒音焦 揄音鴉 揄音鴉 舉手相弄也後漢王霸

尿鳥去聲小便 焦悴音樵 遂音意 掩音意 頰音筴 面音泥 黑

戔有聲無物日戔有物有聲日嘔 吐音稚 稚音治 幼音盛 煽音扇 熾音熾 焮

音碎火入 窘音迴 肛音剛 大腸音磬 兒音喂 威音稠 多音儔 洄音回 呀音

水也燒也 悸音季 心音 疔音 贊音 甯音 用音 赤音 小豆音 七粒音 為末音 敷之音 立愈

張口貌 痿音威 薦音 芍音 勺音 麝音 射音 小虎音 身有虎豹之文音 臍有

噉音 醜音 收音 萎音 也病也 芍音 勺音 麝音 射音 小虎音 身有虎豹之文音 臍有

猶拱四足保其臍 痺音 旦黃音 病也 瘡音 旦黃音 病也 內經目黃

者胃疸 懊懔音 懔音 農音 葉音 遏木之音 官音 查音 深音 焦音 交三焦者

正按摩要術卷四終

也氣之所終始也上焦在心下兩在胃上也中焦
在胃中脘不上不下也下焦在臍下當膀胱上口也
也癥瘕音微退腹中積塊堅膜音莫肉閉枳音紙木
角黍拌音糯音怒麴音菊酒萊菔音來服沸音弗水猝音出
也暴疾喊音領大痼通作固久病也禮躋音敲舉足癰瘰音學
也兒風呆本音某今俗以為帝音帝果蝕音食虧薈音蕪音滅
病也孤木簡也陸機文焦音教砒音批砒霜屎音豕秤稱去聲
賦或操觚以率爾焦灼也砒石藥毒人屎糞也秤正斤兩
之物兜聲豆平砌砂音朋沙藥名生西峻嚴急也噴音溢鼓
稜音能凡物有莧音收聚也莧羅